



REPUBLIC OF THE MARSHALL ISLANDS
OFFICE OF HEALTH PLANNING, POLICY,
PREPAREDNESS, PERSONNEL & EPIDEMIOLOGY
MINISTRY OF HEALTH & HUMAN SERVICES
P.O. Box 16 ~ Majuro ~ Marshall Islands ~ 96960

Telephone No. (692) 625-5327 Ext: 2392/2388 Email: surveillance@rmihealth.org



Juje, Okoj 20, 2024

**HEALTH BULLETIN: RISK OF MPOX IN RMI, LOW BUT PUBLIC AWARENESS
ENCOURAGED**

Melele ko rokaal ikijjien naninmej in Mpox (ak et eo jinoun ej Monkeypox) rej itok wot nan karon Public jen Ra eo an Jikin Ajmour.

1. Jekjek in an kij in ajeeded ipelaak in lalin.

- Ilo an wonmaanlok im laplok an ajeeded Mpox in, elaptata ilo Democratic Republic eo an Congo (DRC) im aelon ko iturrin, emoj an kio lap lok jen 22,000 case ko rej enooik im lonlok jen 1,200 emoj aer mij jen allon in Janode 2023 eo. Jonan jorren in ej mottan juon iaan jorren ko rellap, ilo an drouluul eo an WHO kwalok enwot juon menin keean iumwin Public Health of International Concern (PHEIC) ilo Okoj 2024. Ilo an kar diklok case ko ilo jikin ko im eped droulul eo WHO, e wallon tak case in naninmej in ilo Africa, elaptata jikin ko an DRC im elap kauwatata ie.
- Kij eo nae etan Clade I Mpox, ej bar mottan naninmej ko rellap im elon wot ro rej mij jene, elon wot iaaer rej ajeeded ippen ejja naninmej in wot. Kij in ej bar walok im ajeeded ilo lal kan an Africa, ekoba Burundi, Central African Republic eo an Congo, Rawanda, im Uganda.
- Ilo Amedka, case ko ie emoj aer driklok jen jinoin likwolpen lok 2022 eo itok jen an emmakijkij aer lelok wa ko im bunton ko jen public health rej buki im loori. Ijo ke, ej wor wot case ko rej loi im kalikkari, ekka an walok ilo ijoko im ebool armij ie ak elap population eo ie. Nan waanjonok, Hawaii emoj an kar kalikkar jet case ko ilo kar allon in Julae eo ilo iio in 2024, tarrin in 51 case jen allon in Juun eo.
- Ilo allon in Okoj 2024, lal en an Philippines ekar kwalok kin case in Mpox eo jinoin tata ilo iio in, ippen juon likao eo 33 iio drettan eo im ejjanin wor an history in ekkaake, im ej kalikkar ke emaron kar boke jen ejja lal en wot. Case in ej kalikkar ke ej kauwatata wot naninmej in Mpox mekarta ewor lal ko rejjanin kar ped ilo kain jekjek in.
- Philippines ekar barenwot kwalok kin juon case ilo Tijomba 2023 eo, eo im kar kein kajuon ilo iio eo. Case in kio ekalikkar jekjek in menin aikuj bwe ren mejmej karruo wot kin naninmej in im an ajeeded, ilo an Mpox ped wot im juon men in ekkol nan public.

2. Kauwatata ko nae Majel:

- Majel ilo torein eped kio ilo juon jonok eo e dik nan an maron ion joren in Mpox, itok wot jen an ettolok aelon kein im jab kanooj in lap worran armij rej itok ijekkein tok. Ijo ke, jej naaj mejmej karruo wot, elaptata jej lukkun etale ijoko repaake Majol in enwot Hawaii im Philippines.

- Ikiijen joren ko remaron jelet ajmour im an pidodo aer walok: Ekkar nan melele ko jen WHO rej ba bwe Mpox eo ekka an make jako itok wot jen wawein bobrae, ekka wot ippen drouluul in armij, ekoba ajri, ri-bororo ro, im ro ewor mojno ilo enbunniier ak naninmej ko rellap ippaer (enwot, HIV ko rellap), er eo elap lok aer ped ilo kauwotata im maron laplok joren ippaer, ekoba pneumonia, encephalitis, im mij. Kakolle kein rej kalikkar aorok eo ilo an mokaj ad jela ne ewor naninmej ipped im mokaj ad pukot jipan, enwot ilo jekkein jikid (RMI).
- Elanne enaaj jino walok Mpox ilo RMI emaron komman bwe en apan kein jerbal ko ilo jikin ajmour eo, unin an aorok bwe ne emokaj ad loe im jela im loor bunton ko emoj kalikkari bwe en jab lap an nej joren jikin ajmour eo ilo an nej kajjeon kin kein jerbal kein reped ie.

3. Wawein makutkut ko im Ra eo an Jikin Ajmour enij kommani:

- Kolaplok/kokajoorlok jerbal in etale ko:
 - Jikin Ajmour eo enaaj kokajoor lok an lale im etale aolep jikin driwoj drelon ko, ejoba airport ko im jikin atartar im po ko an tima, ilo aer kojerbal MOHHS Online Screening form ko im rej kotmene bwe ren kommani iloaan 48 awa mokta jen itaak tok ilo RMI. Jabdewot eo ej itok jen lal ko ewor naninmej in Mpox ie renaaj aikuji in etale er, im naaj lelok nan er melele ko ikiijen wawein kakolle ko im kilen bobrae.
- Jerbal in ekkatok im leto-letak melele raurok:
 - Jikin Ajmour eo enaaj komman jerbal in ito itak nan aer katakin jabdewot armij kon Mpox. Melele ikiijen kakolkol ko, wawein an ajeeded, im aorok in an mokaj ad jela enaaj bar mottan jerbal ko renaj komman ilo social media, kajjojo platform ko, im barenwot jerbal ippen jukjukinped ko.
- Jerbal in Maanjeppopo:
 - Jikin Ajmour eo enaaj kepooj aolep kein jerbal ko im pojak kin bunton ko nan aer maron jerbal barenwot ekoba kepooj wawein jerbal ikiijen Mpox. Pepe im jerbal kein renaaj maron jipan rijerbal ro an jikin ajmour eo maron jerbal ippen ro ewor aer naninmej, ekoba kalikkar jikin isolation im wawein ko ikiijen kojerbal (PPE).
- Wa ko:
 - Mekarta ejjanin wor Mpox case ilo RMI, jikin ajmour eo enaaj lale wawein ko jet nan aer kejarok JYNNEOS wa ko nan roe lap aer droolool enwot juon bunton eo imaantata. Wawein jerbal in enaaj ke RMI epojak in jelmae apan in im naaj mokaj an jerbale.
- Jebral ippen Partner ro likin:
 - Ajmour eo enaaj jerbal ippen partner ro ad ilo douluul ko jen pelaak in lal in enwot WHO im CDC nan aer maron bouur wot melele ko rekaal tata ikiijen Mpox ilo pelaak in lal in im wawein an makutkut im wawein ko rekkar nan kommani nan bobrae.

4. Jokjok in an ajeeded:

- Epidodo an Mpox ajeeded ilo an armij epaake ro ewor aer naninmej barenwot atartar ippaer kab jen bar men ko enwot nuknuk ak kein kiki. Ajeeded in naninmej in emaron itok jen kilin armij ilo aera tartar, menono ilo juon jikin eo ewor rinaninmej ie, im jen enbun.

- Ilo lal en an DRC im ijoko jet naninmej eo ejelet er, an ajeeded ie ej juon men eo ej walok im jino jen ippen menin mour ko, tok nan mon jokwe ko, im an armij itaak ippen dron, ekka wot emmaan ro im rej kiki ippen bar emmaan nan doon (MSM). Ilo U.S. im lal ko jet, ej walok jen an armij epaake doon enwot an ruo armij Maan im Kora ippen doon ej wawein eo elap an alikkar in ilo jekjek in an ajeeded.

5. Bunton ko Nan Bobrae im Kejparok:

- Jikin Ajmour eo ej karon aolep kajjojo armij im ri-lo tok rob we ren kommane im loor wot bunton kein renaaj kollaajraki, ekoba emmakijkij in karreoik peium im kajjeon jab ped iturrin ro ewor aer naninmej im rej kalikkar jekjek in Mpox, enwot ewor iddiid ippaer ak nennap, nan kadiklok an maron laplok Mpox.
- ilo RMI ro im ewor kakolle in Mpox ippen, enwot piba, nennap ak idiid kilin, ak ebboj enbunniier rej aikuj in pukot jipan ien eo emokajtata ilo jikin takto eo.

6. Jikin ko armej ekka aer ippen dron ie:

- Jikin Ajmour eo ej rejan bwe jen kejparok ilo ien ippen doon ko. Enaaj aikuj bwe en bar koba tok men kein nan kejparok enwot wawein karreo ak kwalkwol pa, lale armij ro elanne ewor aer kakolle ko ippaer (kepaak jikin takto ien eo emokaj tata), im rejan kajjojo rej enjaake aer naninmej bwe ren jab ped looblej.

7. Jerbal in Jelmae im an Jukjuk in Ped ko bok konaer:

- Enaaj wonmaanlok wot jermal in etale ikijjen Mpox im naaj komman jen ra eo an Jikin Ajmour, ilo an naaj litok wot melele ko rekaal nan public.
- ko an jikin ajmour eo ilo jukjukinped ko renaaj ped wot imaantata, kin wawein ko nan katakin wot public kon Mpox, kolaplok melele ikijjen wwein bobrae im bunton ko nan loori, im lale bwe en jimwe im jejjot melele ko rej buki.

8. Jerbal in etale ilo lal ko jet koba pelaak in lal in:

- Ilo an walok an diklok Mpox case ko ilo USA im lal ko jet, jekjek eo Africa kio, elaptata ilo DRC, ej ped wot ilo an lap. Rej wonmaanlok wot ilo aer etale im lelok wa, im komman jermal ko an public health nan aer bobrae an laplok an ajeeded.
- Jerbal in etale enaaj ped wot ilo RMI, elaptata ilo ad lale ro rej ekkaake tok jen lal ko ilikin im ewor Mpox ie. Jikin Ajmour eo enaaj pojak in jermal elanne elanne enaaj wot iddin ko ikijjen case in Mpox elanne enaaj wor case renaaj jela kake im loe ilo RMI.

9. Kur nan Emmakut:

- Jikin Ajmour eo enaaj kur nan aolep ro rej jokwe ilo RMI bwe ren keronjake im lale tok wot jikin bok melele ko ikijjen Mpox ko emoj kalikkari jen ro tellokieer. Mejmej karruo, jermal ippen doon, bok bunton ko rekkar im jejjot elap aer aorok nan komman bwe RMI en ped wot ilo an wamouruur.